

F

MUNDUKO KOPA HEGO KOREAN ETA JAPONIAN. Txapelketak baditu dagoeneko finalerdiak jokatu dituzten selekzioak. Asteartean Alemania eta Hego Korea jokatu dute, 13:30ean, eta egun bat geroago Brasilek eta Turkiak.



■ Miguel Anjel Lotina

Epaileekin bueltaka

Aurreko partidetan ez bezala, Espainia gustatu egin zitzaidan atzo. Kontua da, orain jende guztiak epailearen erruz kanporatu dutela esan arren, hemen-dik hilabete pare batera, ondo jokatu duela ahaztu, eta espainiarrei betikoa gertatu zaiela pentsatuko dela mundu guztian: «Espainiak ez du ezer egiten txapelketa handietan».

Baina Hego Korea presio itzela egin zuen lehen hogei minutuak kenduta, Espainiak ondo jokatu zuen. Baloia mugitu zuenean, galduta egon ziren korearrak. Azkenean, zelai-erdiak, Helguera eta Barajarekin, ondo funtzionatu zuen. Hego Korea sortu zituen bi aukerak kórner jaurtiketa batzuen ondoren iritsi ziren, baina ez jokoan. Goian, berriz, gol aukera ugari sortu ez zuen arren, Joaquinek min handia egin zuen eskuin hegaletik, eta partida irabazteko aukera asko izan zituzten. Baina gola falta izan zuten. Hego Korea gol bat sartzeko hutsegite baten beharra duela ikusi zen.

Espainiak hutsean amaitu zuen partida, eta errua epaileari leporatzen zaio orain. Nire us-tez, ordea, txikieria pare bat kenduta, ondo aritu zen epailea. Baina ez zitzaidan gustatu luzapenaren amaiera Espainiaren aldeko kórner batean adieraztea. Hori niri ere egin didate Osasunan, beti talde handien edo etxekoaren alde egiten dira horrelakoak, baina hori ez da ona futbolarentzat. Marrazainen hutsegiteak larriagoak izan ziren, Morientesen gola baliozkoa izan baitzen. Aurrerantzean munduko epaile eta marrazain onenak eramango dituztela esan du Blatterrek, nongoak diren kontuan hartu gabe, baina nik horri beste gauza bat erantsiko nioke: benetan onenak eraman ditzatela, eta ez federazioari mesede handiena egiten diotenak. Hori ere aztertu behar du FIFAk.



LUIS TEJIDO / EFE

HIDDINKEN MUSUA. Partida amaitu ondoren, Guus Hiddink Hego Koreako hautatzaileak musu banarekin agurtu zituen Hierro eta Raul Espainiako jokalariek. Camacho ez zegoen musuak emateko.

Marea gorriaren biktima zuria

Orain arte ikusi den Hego Korea makalenaren aurka Espainiak ez zuen jakin sortutako aukera guztiak aprobetxatzen, eta, epaile-marrazainen laguntzaz, korearrak finalerdietan dira

ESPAINIA	0
HEGO KOREA	0

Espainia: Casillas; Puyol, Hierro, Nadal, Romero; Joaquin, Baraja, Helguera (Xavi, 94. min), De Pedro (Mendieta, 70. min), Valeron (Luis Enrique, 80. min), eta Morientes.

Hego Korea: Jae-Woon Lee; Jin-Cheul Choi, Hong, Tae-Young Kim (Hwang, 90. min); Song, Nam-Il Kim (Eul-Young Lee, 32. min), Young-Pyo Lee, Yoo (Chun-Soo Lee, 61. min); Park, Ahn eta Seol.

Penaltiak: 5-3: Hwang, Hierro, Park, Baraja, Seol, Xavi, Ahn, Joaquin (Lee atezainak geratu zuen) eta Hong.

Epailea: Gamal Ghandour (Egipto). Txartel horiak: Espainiako De Pedro eta Morientes eta Hego Koreako Yoori.

Zelaia: Gwangju estadioa (Gwangju). 42.114 ikusle.

Jon Ordoñez |

Ezpataz hiltzen duena ezpataz hilko da. Espainiak atzo ez zuen jakin 120 minutuan Hego Korea akabatzen, eta azkenean Irlandaren aurka sailkapena eman zion makila berberak bizkarrean jo eta kanporatu egin zuen. Hego Korea historia egin du, munduko txapelketa batean finalerdietan sartzen den Europa eta Amerikaz kanpoko lehen selekzioa baita. Italia eta Espainiaren aurkako bi kanporaketetan epaileen inguruko eztabaida beraiekin izan dute korearrek, baina, gauza bat dela edo bestea dela, finalerdietan sartu du Guus Hiddink orain arte Munduko Kopan sekula partidarik irabazi ez zuen selekzio hori.

Espainia atzo ez zen izan Hego Korea baino gutxiago, eta partida irabazteko merituak eta golak egin zituen. Baina luzapenaren ondoren bi taldeek bosna penalti dituzte, eta espainiarrek hor huts egin zuten. Italiaren aurkako kanporaketan bezala, epailearen eta marrazainen hutsegiteek Hego Korea lagundu zuten, baina gero penaltietan bakar-bakarrik sartu zituzten bostak. Atzo Casillasen eskuek ez zuten miraririk egin, eta Lee atezainak Joaquini penaltia gelditzeak sailkapena balio izan zuen.

120 minutuan erakutsi ez zuten eraginkortasuna erakutsi zuten korearrek penaltietan. Abiadura izugarri jokatu dute, eta erritmo horrekin baloia menderatzea ez da erraza. Baina goian Hego Korea ez du barkatzen ez duen aurrelaririk,